

T5237,58/1310

69

7

HARVARD COLLEGE LIBRARY
FROM THE
HARVARD - YENCHING
INSTITUTE
MAR 1 1932

御選元清詩集卷第七十八目錄

三

御選元詩卷第七十八目錄

七言絕句十二

祖欽二首

圓至七首

道英三首

知和一首

善住三十首

明本十六首

與恭四首

懷深一首

行端四首



祖銘二首

永彛一首

至剛一首

照鑑三首

元長一首

餘澤一首

那希顏一首

元本一首

祖柏四首

自恢二首

法堅二首

淨圭二首

祖教二首

觀通二首

宗衍三首

惟則十九首

靈暉一首

大訢七首

本誠五首

善學三首

大圭四首

慈感一首

若舟一首

明曇一首

宮人程一寧一首

李君問妻萬氏一首

錢塘陳氏一首

魏國夫人管氏一首

吳仁叔妻韓氏一首

蕙蘭七首

王嬌紅二首

吳氏女二首

賈雲華二首

鄭氏允端十七首

趙女一首

鄭奎妻一首

崔琦一首

阮碧雲一首

韓鷗兒一首

李飛仙一首

比丘尼妙湛一首

梅花尼一首

溪翁一首

無名氏五首

懸葫蘆一首

高麗侍中李齊賢一首

陳仁王日燭二首

安南國王陳益稷

飲六一

御選元詩卷七十八

〇七十一

俱與房本字小字双行批了字

〇〇祖欽

必與詩目石角

〇〇〇山居

〇〇〇

御選元詩卷七十八

御選元詩卷第七十八

七言絕句十二

祖欽

山居

竟日窗間坐寂寥巖前稚筍欲齊腰幽禽忽起藤花落
澗瀑吹聲度石橋
夾岸桃花紅欲然洞中流水自涓涓山家不會論春夏
石爛松枯又一年

共春圓至

雪後荆林道中

冷風寒柳閉千門柳外嘯鴉聚晚羣殘日暉暉烘雪氣

後選元詩
卷六
徘徊半嶺作晴雲

逢故人

共看咸淳上苑花
錦箋綵句敵春華
白頭相見鍾陵市
我亦如君未有家

元夕觀傀儡

錦襜叢裏鬪腰支
記得京城此夕時
一曲太平錢舞罷
六街人唱看燈詞

芳塘

芳塘雨霽綠初肥
折得青條帶露歸
一樹殘花喧鬪雀
紅香滿徑撲人飛

寄恩以仁

風柳青青條葉新
別愁江畔又逢春
交情似我如君少
一度相逢勝故人

小汊

麻骨燈明竹壁疎
更深夜語在茅廬
開篷綠岸去沽酒
點火撥船來賣魚

吳王廟

吳王廟近水邊山
壁上雕青鬼臂蠻
白日鑪中煙色變
散成雲氣滿人間

道英

維揚春暮

煙籠柳影老鶯嗁
雨濕芹香乳燕飛
二十四橋春又盡

江南詞客正思歸

湖上晚步

畫橈歸去歇笙簫水影山光共寂寥
一叟相逢雙鬢雪
向人猶自話前朝

廢寺

白晝閑房一兩僧山門深掩蘚花青
西風不管鐘魚破
自在斜陽語塔鈴

知和

詠藤龕

竹筧兩三升野水窓前五七片閒雲
老僧活計只如此
留與人間作見聞

善住

寄西峰隱者

煙雲出沒弄晴碧中有幽人抱禪寂
夜半巖間風雨來
松花吹滿蒼苔石

已未夏日雜興

深紅淡白已隨塵斜雨橫風送却春池上
偶來閒照影
霜花吹入鬢毛新

落盡紅芳見綠陰小橋流水雨餘深
市樓橫笛誰家子
吹得斜陽下遠岑

纖纖碧草與階齊濃綠陰中杜宇嗁
花院晝長聽政好
帶聲飛過粉牆西

御選元詩 卷六
中庭日午橘花開蜂蝶何知故故來一陣南薰生殿角
亂飄香雪點蒼苔

春興

朔雁初歸花欲妍江雲淡淡晚晴天因思剪燭山窗夜
香燼雕盤尚未眠

三月江南春日長柳陰庭院午風涼離懷漠漠深於海
燕子飛來語畫梁

感舊

風雨蕭蕭送暮春百花開盡草如茵畫梁塵鎖簾垂地
燕子歸來不見人

過林逸人次韻巖栖翁

花邊曾醉少年春白首相過不厭貧近說漢家徵詔急
西山猶有卧雲人

晚興

浮圖寒聳碧崔嵬煙雨溟濛晚不開深殿已燈門欲閉
松頭巢鶴未歸來

夢諧陽山道中

并序

泰定甲子二月初九日子與友人圓大虎遊陽山
北阜過尊相寺聞有禪者縛屋峰頂遂捫蘿而上
至雲泉亭序而飲焉甘涼可啜得禪者於石室中
為予相勞苦煮茗為供既而語次殘陽已挂樹梢
矣因以二絕紀之

御選元言 卷三
一掬雲泉漱齒涼小亭幽絕背山陽道人自向峰頭住
閉戶不知春日長
雨餘春澗水爭分野雉雙飛過古墳眼見人家住深隲
梅花繞屋不開門

秦夜思

夢鵲驚飛叫不休
聲聲還繞舊枝頭
牆東一片梨花月
又逐笙歌上水樓

寄巖栖翁

霜髭碧眼老頭陀
陋巷曾經幾度過
連月不來城裏住
只緣城外好山多

蘇曼卿聞角

曉角吹霜海月斜
一聲幽夢斷天涯
自非慣作沙場客
誰向風前不憶家

感事

覆雨翻雲事可哀
交情誰是舊陳雷
夕陽滿地無人見
獨立風前看落梅

送人之金陵

清遊莫憚路岐賒
但有雲山即是家
此去鳳臺明月夜
西風腸斷後庭花

夏日即事

庭樹森沈晚色濃
修修寒雨滿疎鐘
白雲一片歸飛急
知宿城南若箇峯

御選元言 卷三 五
次韻山村先生

綠楊深處畫橋橫
風掠平湖碧浪生
待得笙歌城郭去
苧袍筇竹自閒行

驛亭楓樹著霜紅
天際冥冥見斷鴻
隔岸遠山青更好
澹煙斜日值秋風

暮春雜興

野水浮來半落紅
不須惆悵怨東風
春歸畢竟歸何處
還在溪光柳影中
門掩東風柳色深
暮寒脈脈透衣襟
春天最是無憑準
一日才晴一日陰

兩入孤城草木新
香紅半逐馬蹄塵
却憐杜宇無情甚

不解迎春祇送春

春光欲老綠陰寒
稚筍攙空已作竿
無限好山都不見
亂雲斜雨滿闌干

紅藥花開春欲歸
綠楊陰暗燕爭飛
晚來一陣東風雨
又送餘寒上客衣

萬里江山圖

巴水沄沄巴峽青
月明客淚隨猿聲
眼中已識瞿唐路
剝水殘山懶問名

春日雜興

野塘風緊漲漣漪
桃李春寒發尚遲
山色晚晴青不了
倚筇忘却立多時

御選元言 卷二
湘雲碎剪作春衣步入青山映夕暉我已無心事戲獵
野禽何事亦驚飛

冬日偶成

清霜欲重小春天楊柳蕭疎帶曉煙無奈東皇苦多事
又傳春信到梅邊

感舊

綠楊蕭瑟颭秋風客去門閒酒琰空夜半月明生綺席
不知誰在畫樓中

明本

頌古

醉乘白鶴登銀闕夢跨青鸞入絳宮酒醒眼開俱不見

一川桃李自春風
斧爛柯銷局未闌天風吹鶴下瑤壇滿盤黑白輕翻轉
袖拂蒼梧玉佩寒

葉卷西風樹樹寒亂蛩吟砌夢初殘情懷自是不堪聽
又把琵琶月下彈

省菴

一聲幽鳥到窗前白髮老僧驚晝眠走下竹牀開兩眼
方知屋外有青天

憶梅

夜分明月是揚州尚有春風在樹頭莫怪當年何水部
歲寒心事與誰愁

別梅

花謝東風攪離思愁翻縞袂忍輕分月明梢送臨溪水
春樹遙憐隔暮雲

惜梅

香銷泥汙意裴回掠地迴風玉作堆愁絕黃昏無一語
怕看孤月上窗來

剪梅

破玉并刀試手温香凝雙股斷芳魂花隨燕尾輕分去
不帶春風爪甲痕

苔梅

古貌蒼然鶴膝枝唾花生暈護春機玉堂試看青袍客

莫忘江南有白衣

數枝枯射鬪嬋娟疎影分明不夜天散却廣寒宮裏桂
春光長滿玉堂前

花間少女剪春寒粲粲霓裳舞隊仙月夜遙看環佩冷
莫教吹落玉花鈿

夢隔梨雲逗曉天苔枝浮翠逗春寒不嫌玉質籠輕素
留與詩人冷澹看

疎梅

御選元言 卷二
依稀殘雪浸寒波桃李漫山奈俗何
瀟洒最宜三二點好花清影不須多

茆舍梅

數椽草屋延清客竹作疎籬護玉葩
不是玉堂無分到且和明月到山家

隔簾梅

庭花映箔眩吟眸一片湘雲鎖暮愁
風卷黃昏疎影動珊瑚枝上月如鈎

紙帳梅

春融剡雪道人素幅凝香四面遮
明月滿牀清夢覺白雲堆裏見疎花

與恭

冷泉亭

天竺雨花飛寶臺北山門對冷泉
開石擎老樹無人識時有黃猿抱子來

答趙子昂

犬不曾嗥鶴不飛看山今日偶歸遲
點燈吹雪照石壁恐有玉川留贈詩

思歸憶母

霜落萱花淚濕衣白頭無復倚柴扉
去年五月黃梅雨曾典袈裟糴米歸

回雁峯

御選元詩

卷三

與恭

懷深

行端

乙

御選元詩 卷六
官路迢迢野店稀薄寒催客早添衣南分五嶺雲天遠
雁到衡陽亦倦飛

懷深

初春

暖信初迴宿草根茸茸漸可藉芳樽未須著意催花柳
且為乾坤補燒痕

行端

山房自述

故園歸路隔天涯絕頂閒房且寄家翻罷貝多山月上
一棚華影漾袈裟

維故人別墅

門逕無塵有綠苔東風落日舊曾來白頭道者今何在
一樹櫻桃花自開

靜軒

六戶虛凝湛不搖從教塵世自喧囂階前盡日無人到
只有閒雲伴寂寥

海翁

窮盡波瀾絕一漚餘生甘自老扁舟四溟高卧月如晝
閒把漁蓑枕白頭

祖銘

題熨襠圖

練光帖帖雪光開倩得隣姑熨未裁郎在征途兒在眼

十分寒向意中來

二靈山

為愛山靈與水靈一菴高佔白雲層
風光只在闌干外半屬漁樵半屬僧

永昇

題仲穆看雲圖

靄靄晴雲擁碧巒清分秋影落江干
何人冥坐長松下蒼翠滿身生薄寒

至剛

山居

門外青山知幾堆白雲閒鎖不曾開
嶺梅也似憐孤惇

時送暗香窓外來

照鑑

奉謝張蛻菴承旨先生舊賜詩

潞國詩來秘監時青山入夢早思歸
於今喜接期頤壽還憶江南舊釣磯

初夏即事

三月已破四月初綠陰門巷晝模糊
近窗一樹櫻桃熟格磔鈎輶來鷓鴣

懷明善弟

毘陵二月柳花天菘笋河豚已薦筵
獨在錢唐江上寺謾吟風雨對床眠

元長

通濟橋

半空駕起蒼龍脊不怕雙溪水來急踏向亭亭高處望
東西有路通南北

三日餘澤

題界溪顧處士竹逸亭

築室臨溪界兩分修筠回繞翠如雲何當一舸東風便
載酒來尋抱節君

那希顏

題界溪顧處士梅隱齋

竹外橫斜一兩枝花敷不與衆芳齊孤山月下無多樹

分得仙姿在界溪

元本

秋夜懷崔府尹

銀河淡淡月微明花藥闌邊絡緯聲為問洛陽崔太守
幾何秋色在江城

祖柏

題玉山主人壁

杖錫穿雲雨濕衣我來君出兩相違茶邊聽得仙童語
學士朝朝向晚歸

朝命移栽寺中括子松於內苑

大夫去作棟梁材無復清陰覆綠苔今夜月明風露冷

御選元言 卷三
候他千里鶴飛來

題自寫菖蒲

盆泓淺淺映幽叢
綠髮脩脩隨鏡中
瀟灑憑誰共拂掠
淡煙微雨及清風
雲骨溪毛瘦不禁
井花濯濯翠陰陰
閒來坐對清時眼
月落半窓風露深

自恢

偶成

金沙溪上柳條齊
白鳥羣飛落照低
十里荷花紅勝錦
好山多在畫橋西

題唐子華畫山水

江雲如雪樹高低
竹裏人家傍水西
滿地松陰春雨過
好山青似若耶溪

法堅

春草池綠波亭

雪消春色滿江沱
芳草纖纖覆綠波
最是高陽池上客
狂歌無奈醉時何

亭前修竹淨猗猗
煙暖沙頭杜若肥
一夜雨餘春水漲
白鷗日日到柴扉

淨圭

和張貞居游仙詩

縹緲仙山五色雲
玉真飛佩度氤氳
不應名字題仙籍

御選元言 卷六
猶著唐家舊賜裙
一會仙凡兩地分
雙雙條脫賜羊君
如何窈窕巫山女
只作襄王夢裏雲

祖教

練川十二詠和楊鐵崖

錄二首

水仙舟

神仙事久既朦朧
直恐王郎夢裏逢
謾道空江能解珮
何如木末采夫容

折桅麻蒟

桅折舟人冒險艱
黑風吹浪捲銀山
不如漢使傳奇種
苜蓿葡萄滿世間

觀通

次愚菴懷王畊雲韻

幽居瀟洒絕縈牽
雲白山青雨後天
春酒飄香多逸興
微吟獨立杏花邊

槐影風迴散綠雲
山光雨歇聳嶙嶙
荷衣筇杖塵氛外
清賞時聞林下人

宗衍

吳江晚泊

無數舟航共晚晴
大星先見月初生
背人白鳥雙飛去
隔水幽花一樹明

漁村夜歸

御選元言 卷六
絲絲暖雨歇春潮雲壓江流落澗橋欲訪桃花無路入
好風時度玉人簫
日落蘋汀宿霧凝小橋霜冷挂魚罾歸來已是三更後
水際人家尚有燈

惟則

送鄉僧昱曉林

風沙風葉攪征衣今日江頭送汝歸西望故鄉何處是
楚天漠漠片雲飛

鄉人問我幾時還向道如今又入山一箇蒲團半間屋
吳淞江上九峯間

登茅山天市壇

天市危闌倚碧空兩京山水見冥蒙東來十日風霜路
只在寒嵐一抹中

一峯雲外菴和韻四景

碧虹分雨半山橋橋下春雷卷怒濤老衲定回推戶看
隔溪開盡野櫻桃

竹屋茶香滿澗煙綠杉深處響流泉目前有法誰能說
落日微風一樹蟬

平田水語稻花香半解羅衣受晚涼景物雙清秋正好
亂山雲外又斜陽

衲被蒙頭宿火紅雪寒愁聽上方鐘開門忽怪山為海
萬疊銀濤露一峯

湖村菴即事

竹根吠犬隔溪西，湖雁聲高木葉飛。
近聽始知雙櫓響，一燈浮水夜船歸。

訪仙洞山舟次大溪口
窈窕仙家何處尋，夕陽明滅亂雲深。
大溪橫斷青山合，一路風帆入樹林。

贈弟仁遠入京

并序

始余別家時，仁遠從弟年纔十七，今將四十矣。鬚髯戟張，言論有遠志，以湘南教官滿考，乘風為上國遊。艤舟維揚，迂道來徑山，相尋梅雨中，禪榻共燈數夕。既行，贈偈四章以紀別思，以戒其速歸。

虬鬚鐵面岸綸巾，胆氣麤豪語逼人。
二十三年不相見，却疑年少是前身。
雨嶂煙巒翠欲流，天開圖畫萬山頭。
凌霄閣上凭闌意，留與他年說舊遊。

白雲峯在夕陽邊，目送吳雲入楚天。
汝到燕山却回首，三千里外又三千。
錦袍花映鳳池明，玉珮光搖紫府青。
富貴著人如醉夢，倚門慈母眼長醒。

曉行吳淞江

水轉沙涂又一灣，迎船孤塔出煙嵐。
長江一道橫風起，兩岸爭飛上下帆。

師子林即景

素壁光搖眼倍明
隔簾風樹弄新晴
樹根鼉鼓鳴殘雨
恍忽南山水樂聲

半簷落日晒寒衣
一鉢香羹野蕨肥
春雨春煙二三子
水西原上種松歸

道人肩水灌畦蔬
托鉢船歸粟有餘
飽飯禪和無一事
繞池分食餒游魚

斜梅勢壓石闌干
花似垂頭照影看
白晝雲陰天欲雪
半池星斗逼人寒

雪深三尺閉柴荆
歲晚無心打葛藤
立雪堂前人不見
秀雲峯似白頭僧

靈暉 暮地開耶 凡何人 始具林 對奇民 即臨又 歲

賦劍池

古劍池頭大士家
白毫千丈貫彤霞
袈裟來聽生公講
時見諸天雨寶花

大新至靈州交雨大新

次韻答熊以善秀才

陞堂齊赴鼓隆隆
獨著儒衣謁嬾融
也勝朝回隨雁起
西風千騎過雲中

古廟折碑圖 華文大寫 吟到 益 言 妙 於 公 去

不盡青山萬馬奔
古廟殘碑野水村
行人回首暗消魂
遙天何許孤雲沒

虞伯生學士以五詩贈一上人蒙見及一公將
歸蜀謁趙魯公次韻

醉罷葡萄金叵羅散華方丈寫伽陀扁舟許我從公去
浩蕩江漚萬里波

魯國數年書疏斷每思高會聽雲和別時有約終相覓
緜竹江頭雨一蓑

舟至通州夜雨大作

明日京華拂面塵穹廬如雪馬如雲雨聲未忍孤篷別
故遣蕭蕭枕上聞

次韻送寥天與

楚江送客暮帆開眼底何人識異材後夜月明潮又滿

青山空繞雨花臺

孤嶼圖為雁山德長老題

淡煙疎樹月朦朧路隔寒潮斷復通添箇茅菴分我住
明年飛錫海門東

本誠

題畫

花下拋書枕石眠起來閒漱竹間泉紙窓石鼎灰猶暖
殘燼時飄一縷煙

錢唐江曉渡

雨後青山展黛眉暖風無力去帆遲人家一簇臨江岸
綠樹輕煙映酒旗

御選元言 卷六
客中九日

小橋流水遶迴廊獨對西風憶故鄉
山崦人家秋色晚客中無菊過重陽

題友人壁

池檻水搖簾影動石牀風引翠煙斜
鳥聲啼足忽飛去驚落半庭山杏花

江亭秋晚

獨倚清江秋思長晚潮初上水亭涼
海門風起雙巒暝一抹銀花湧夕陽

善學

青山空為清道人書閑寂軒

四簷空碧道人家一段風光不市譁
靜坐蒲團無箇事殘暉倒影入窓紗

無客軒為獨翁題

柴爐煨老平生友打戶無人到此間
莫謂老來蕭索甚清風明月半幽閒

道人山居

構屋山居物外禪繞窗白石與清泉
年來識破安心法衲被蒙頭自在眠

聞杜宇

情知望帝是前生春盡江南憶錦城
到處青山山有樹

如何偏起故鄉情 春盡云南對離愁 徑與青山山有樹

戲成

城郭無心寄一瓢 此身便欲老山椒 山童忽報松花盡 又逐扁舟上早潮

謝檄

謝檄歸來卧白雲 祇今心事與誰論 故人似似蒼苔好 歲晚青青一到門

夜起

野人獨卧山中屋 夜半雨聲清夢熟 起來竹下一開門 秋入千峯月如玉

四首 慈感 龍入 寒一 烈風 夾不 市 轄 籍 坐 龍 團 無 箇 車

菊山詩

采采東籬秋意長 品題多是晉文章 南陽壽客今誰在 重疊雲深晚節香

若舟

萬疊青山萬疊雲 水邊煙樹隔孤村 依稀南岳峯頭住 茅屋三間獨掩門

明曇

懸崖險峻石如林 一種仙芝不易尋 若向人間問絕品 東蒙頂上白雲深

蒙頂茶 小窓味夢離 和 蘇 春 風 不 曾 愁 愁 愁

東萊宮人程一寧

登翠鷺樓

淡月清寒透碧紗小窓和夢聽啼鴉春風不管愁深淺

夜夜開門埽落花

李君問妻萬氏

繡梅詩

洒洒英標別樣奇歲寒心事有誰知妾心正欲同貞白

枕上慙慙繡一枝

錢塘陳氏

聞雁有感題華亭戍壁

浪喜燈花落又生夜寒頻放剪刀聲游鴻不寄征夫信

顧影娉婷無限情

魏國夫人管氏

題畫蘭

趙管才高柳絮風水晶宮裏畫幽藜秋來紉作夫君佩

笑殺迴文漫自工

吳仁叔妻韓氏

拆簡復外

碧紗窓下拆緘封一紙從頭徹底空料想仙郎無別意

憶人長在不言中

蕙蘭

綠窓詩

樓前楊柳發青枝樓下春寒病起時
獨坐小窓無氣力
隔簾風斷海棠絲

綠窓寂莫掩殘春繡得羅衣懶
上身昨日翠帷新病起
滿簾飛絮正愁人

幾點梅花發小盆冰肌玉骨伴黃昏
隔窓久坐憐清影
閒劃金釵記月痕

春雨隨風濕粉牆園花滴滴斷人腸
愁紅怨白知多少
流過長溝水亦香

春風昨夜碧桃開正想瑤池月滿臺
欲折一枝寄王母
青鸞飛去幾時來

空階日晚雨纔乾小婢相隨倚畫闌
金釵誤挂緋桃落

羅袖愁依翠竹寒

庭院深深早閉門停針無語對黃昏
碧紗窗外初生月
照見梅花欲斷魂

王嬌紅

題西窓

日影縈階睡正醒篆煙如縷午風平
玉簫吹盡霓裳調
誰識鸞聲與鳳聲

送別

綠葉陰濃花正稀聲聲杜宇勸春歸
相如千里悠悠去
不道文君淚濕衣

吳氏女

病中荅鄭生詩

淚珠滴滴濕香羅
病裡芳肌瘦減多
莫怪夜來春夢淺
不知今日定如何
青衣扶起鬢雲偏
病裡情懷最可憐
已是慼慼無氣力
強擡纖手寫雲箋

賈雲華

題魏生卧屏

花柳芳菲二月時
名園剩有牡丹枝
風流杜牧還知否
莫恨尋春去較遲

七夕

斜驪香雲倚翠屏
紗衣先覺露華零
誰云天上無離合

看取牽牛織女星

鄭氏允端

高氏姊惠素羅

雪色香羅照眼明
阿兄相贈見深情
明朝急為裁春服
相約麻姑禮上清

水檻

近水人家小結廬
軒窓瀟洒勝幽居
凭闌忽聽鳴榔響
知有小船來賣魚

吐綬鳥

庭院春深護薄寒
山禽飛下玉闌干
胸中錦繡無人識
閒向東風自吐看

徐熙杏花

寫生政自愛徐熙把卷摩挲眼欲迷曾記沉沉春雨後
一枝斜透粉牆西

四體美人

正面

似共春風別有緣美人初見下鞦韆花陰滿地日卓午
芍藥金盤五色鮮

背立

宮樣新妝賸寶衣背人鵠立好腰肢杜陵飢客長安道
隔水臨花乍見時

側身

半面紅妝似可人鳳環斜插寶釵新若教端正嬋娟面
東里西家總後塵

半截

若箇亭臺綠水邊粉牆低處出嬋娟分明識得東風面
不見羅裙血色鮮

念舊

憶昔娉婷十五餘勻紅傅白鬪西施如今老大慵妝洗
政是梨花過雨時

梧桐

梧桐葉上秋先到索索蕭蕭向樹鳴為報西風莫吹却
夜深留取聽秋聲

秋窓書懷

詩骨從來不受肥那堪衰病弗勝衣朝來試把羅裳繫
瘦比今春又半圍

東坡赤壁圖

老瞞雄視欲吞吳百萬樓船一炬枯留得清風明月在
網魚謀酒付髯蘇

瘦馬

曾共元戎出塞垣生擒番將向烏桓如今老去誰終惠
獨對西風瘦骨寒

庭槐

風轉庭槐拂檻開綠陰如染淨無埃婦人不作功名夢

閒看南柯蟻往來

葡萄

滿筐圓實驪珠滑入口甘香水玉寒若使文園知此味
露華應不乞金盤

自製來

輕輕小鞵製香羅三寸量來不較多針縷細勻裁製好
鴉頭休詫馬嵬坡

桃花

細雨春寒江上時小桃欹樹出疎籬從教一簇開無主
終不留題崔護詩

趙女

即選元詩

卷三 鄭氏允端

趙女

鄭奎妻

三五

絕句

九重縹緲黃金闕十二玲瓏白玉樓明朝了却人間夢
獨跨青鸞自在遊

鄭奎妻

題燈花

粲爛燈花向夜開盈盈金粟墜銀臺梨園料想無他事
祇是良人自遠來

崔琦

示李師顏

已撩彩翼乘丹鳳肯閉雕籠伴綠衣前路莫愁風力勁
同心自誓一行歸

阮碧雲

絕句

東君情意漲如瀾畫閣鴛鴦夜不寒十二樓中春色過
好花開遍玉闌干

韓鴟兒

荅龔舍人

莫言刺臂是尋常刺入儂肌痛入郎試取血書和淚照
墨痕千載骨猶香

李飛仙

與客游樂

桃李芳菲二月天洞房春色十分妍欲知好景無邊處

倚翠偎紅興獨偏

比丘尼妙湛

題管夫人長明菴尼

松樹陰陰落碧巖一燈千古破幽關也知諸法皆如幻
甘老煙霞水石間

梅花尼

咏梅花

終日尋春不見春芒鞋踏破嶺頭雲歸來笑撚梅花嗅
春在枝頭已十分

溪翁

潞公軒用郭西楚韻

灘平水淺兩分流煙樹昏昏映小洲枕簟夜深涼似水
可人天氣屬新秋

無名氏

贈陳克里詩

夜過浮丘月滿山一尊相對坐漫漫門臨大海風濤壯
家有小天星斗寒

釣臺

不隨龍去愛漁汀絕喜先生世累輕却把客星驚帝座
豈應忘世未忘名

麻姑山

古木陰陰石枕溪千年冷浸謝家詩池塘青草年年換

御選元言 卷一
惟有紅泉似舊時

王安道蒼崖古樹圖

古樹蒼蒼楓葉丹此中別似一人間如何忽起思鄉念
不是台山是雁山

漁笛圖

山中老樹秋還青山下漁舟泊淺汀一笛月明人不識
自家吹與自家聽

懸葫蘆

題壁

葫蘆一箇是生涯閒步人間訪酒家要問狂夫何處住
蓬萊洞口有桃花

高麗侍中李齊賢

鄭瓜亭

憶君無日不霑衣政似春山蜀子規為是為非人莫問
只應殘月曉星知

陳仁王日燂

饋天使張顯卿春餅

柘枝舞罷試春衫況值今朝三月三紅雪雕盤春菜餅
從來風俗舊安南

送天使李仲賓蕭方厓

靈液吹香暖餞筵春風無計駐歸鞭不知兩點軺星福
幾夜光芒照越天

安南國王陳益稷

巴陵雨中 春風無信 規圓蟬不 兩濕津星跡

鴉拂平林 雁陣空黃 花行李老 秋風如何 一夜江南夢 盡在巴陵細雨中

御選元詩卷第七十八

只飄然 且朝星 映

新昏無日不 露不知 妙春山 隱子財 為長 為非入 莫

胡庭 一 瘦 瓜 亭 注 開 步 人 問 酒 家 買 酒 在 大 何

蓬萊高 飄 村 中 李 齊 賀

御選元詩卷第七十九目錄

六言詩 思一首

白珽二首

陳孚一首

張伯淳一首

張樸一首

袁楠七首

趙孟頫三首

鄧文原二首

嚶嚶一首

姚式一首

馬祖常三首

蒲道源一首

胡炳文一首

錢以道一首

虞集一首

揭傒斯三首

吳師道二首

宋本一首

薩都刺四首

六柯九思一首

李裕一首

杜本二首

劉詵五首

宋无二首

陸柱二首

趙肅一首

李孝光二首

朱德潤一首

蔣堂二首

陸行直二首

祝蕃二首

郭翼三首

何儒行三首

陳柏一首

趙次誠一首

張憲三首

錢惟善一首

張昱一首

倪瓚十七首

王逢八首

舒頔一首

葉顥三首

貢性之六首

謝應芳一首

周敏一首

馬臻七首

張雨二首

善住二首

本誠一首

大圭一首

無名氏一首

雜體

明本九言詩一首

劉因十二辰體一首

陳孚藥名體一首

陳高藥名體一首禽名體一首

毛直方禽言一首

任士林禽言二首

王沂禽言三首

桂瓌禽言四首

郭翼禽言四首

胡天游禽言二首

楊維禎禽言二首

盛或禽言一首

黃玠迴文體一首

謝應芳三五七言體一首

鄭氏允端三五七言體一首

無名氏三五七言體一首

李孝光首尾吟二首

陳樵轆轤進退格三首

曹文晦五雜組一首

大訢俳偕體一首

徐琰山字詩一首

張翥水字詩一首

王思誠疊字詩一首

宋无詩尾聯古句體二十首

鄭采奇字體一首

王思結

張素木字詰一首

翁如山字詰一首

大禹神詠一首

曹文舉五言詠一首

劉熱神詠一首

李季次首詠二首

無名氏三言詠一首

張力次詠三言詠一首

馮熱次三言詠一首

五

御選元詩卷第七十九

六言詩

會所白珽

一題四題鄭子真畫四季詩意二首

紅杏綠楊永晝野服柴門散仙莫道無人知處東風都

在吟箋

蓮葉吹香澹澹扁舟撐港斜斜驚散一行白鷺西風捲

起梨花

陳孚遠萊山

聚平山堂

堂上醉翁仙去蘆花雪滿汀洲二十四橋煙水為誰流

下揚州

張伯淳

贈彭萊山

總是江南倦客君平到處生涯老去黃塵沒馬襟期付與鶯花

張栻

題趙子固四薌圖

一紙四花爭秀依稀香霧相和老眼不妨縱賞江南春色何多

六袁楠

題湖曲小景

流水無言寂寂落花有意穆穆往事空餘華屋倚闌愁絕江南

送鄧師禹歸龍虎山

小帽飛花一寸輕舟流水三分落日獨歸洞口隔溪短笛猶聞

題美人圖

昭君

鬢影愁添塞雪花枝羞殺宮春誰道佳人傾國解從絕域和親

班姬

望幸眸凝秋水倚愁眉簇春山已悟篋中紈扇須看鏡

御選元言 卷二十九
裏朱顏

綠珠

金谷煙迷清曉玉簫春怯餘寒可恨花鈿委地當時莫倚危闌

張麗華

結綺塵空樓暗景陽春斷鐘遲紅葉無言在手同成井上臙脂

潛昭九日贈龍團次韻

月碾舊裁玉胯雲鑪温浴銀芽九日殷勤相贈淡羅猶記金花

趙孟頫

黃清夫秋江釣月圖

塵土染人衣袂煙波著我船窗為問行歌都市何如釣月秋江

題王子慶所藏大年墨鴈

鴻鴈棲棲遵渚黃蘆索索鳴秋羨殺承平公子筆端萬里滄洲

題孤山放鶴圖

西湖清且漣漪扁舟時蕩晴暉處處青山獨往翩翩白鶴迎歸

鄧文原

方方壺松巖蕭寺圖

御選元言

卷二十九 趙孟頫

鄧文原

嬾嬾

三

雨過鷓鴣啼歇日斜猿兕聲高湖上長煙漠漠山中古
寺迢迢人立東臯清眺帆歸西浦寒潮

文湖州竹

此老墨君三昧雲山發興清奇我在蓬萊書府曾看曉
靄橫披

嚶嚶

送高中丞南臺

鸚鵡洲邊明月鳳皇臺下清風人物江山兩絕才高不
為時容

姚式

題子昂墨梅圖

夜月參差秀影天風浮動繁香彷彿釵橫鬢亂惱人不
減紅妝

馬祖常

六言三首

南塘雨晴草滿西林春早花疎道士燒丹借竈山翁種
樹求書

白鳥飛來何許青山閒對誰家日暮一尊濁酒不知風
帽欹斜

絕澗花迎暮竹回塘水媚春雲欲賦淮南招隱山中桂
樹留人

蒲道源

御選元詩

卷三

姚式

馬祖常

蒲道源

日

漫題

花下提壺勸酒桑間布穀催耕甚欲晴天行樂却因春
雨關情

胡炳文

送董深山 并序

深山之號蓋有取於艮止而求深於斯道者也一
日訪予明經敢發此意題於諸吟卷之尾

洞口桃花易見源頭活水難尋欲知雲盡不盡須到山
深更深

錢以道

題水村圖

簾捲蒼茫野色屋連演迤清流歲晚晚今自適蹇惟留
今中洲

虞集

聶空山畫扇

客來山雨鳴礮客去山翁醉眠花外晴雲靄靄竹邊秋
月娟娟

揭傒斯

過何得之先生故居三首

可憐古井門外依舊鐘樓屋西何處高吟痛飲黃華翠
竹都迷

先生有詩云一井當門凍寒光照
四鄰又我住東街北鐘樓在屋西

軋軋機聲日暮依依楊柳春柔鄰下中郎小女曾聽唱

我高郵

先生常喜余高郵城詩相見即呼高郵城來每相對酒酣則朗誦數過

頭上烏紗分贈篋中縞楮相酬不道別時長別誰知愁

是真愁

延祐五年冬十月余南歸以巾材一段見贈予以白楮被報之別時殊黯然也且手書其三代名字授予若有所屬然也

吳師道

水西道中

鳴鳩林外桑密眠犢沙頭草添春水石橋紅杏夕陽茅屋青帘

題高彥敬越山圖

潮平風定日落雲白山青雨乾憶得晚秋天氣浙江亭上凭闌

宋本

山水翁

野屋不知今世山色似含古春岑寂渾無啼鳥荒寒畧有行人

薩都刺

舟中題畫卷

兩岼好山如畫丹崖翠壁樓臺愛殺南閩風景小官何日歸來

次韻與德明小友二首

煙雨短篷水口人家亂石山前送別莫忘今日相逢知在何年

莫笑風餐水宿暫離馬足車塵兩岸好山送客一江細

雨歸人

題畫

綠樹陰藏野寺白雲影落溪船遮却青山一半只疑僧
舍茶煙

柯九思

題王孤雲界畫山水圖

滿地山河如繡迴巖樓閣凌風幾度春花秋雨不知秦
苑吳宮

李裕

武林雜興

樓閣參差細雨簾籠料峭輕寒人去空餘燕子春來休

倚闌干

杜本

漁隱圖詩為程子純賦

山下白雲縹緲水邊紅樹依稀信有桃源深處漁人今
亦忘歸

題柯敬仲梅

點點苔枝綴玉疎疎檀蕊凝香還記當年月色簫聲暗
度宮牆

劉詵

清明和歐陽山立二首

江南二月三月野水一村兩村花落人家寒食燕歸山

館黃昏
細雨海棠成子餘寒江燕初歸立馬橋西沽酒行人未
試春衣

春日偶賦二首

官路落花馬過人家高樹鶯啼故里故人何處夕陽長
在樓西

楊柳輕寒水驛棟花小雨官橋回首人間往事孤燈挑
盡春宵

和龍麟洲題黃次翁黃鶴樓圖

孫曹百戰何在大江千載狂瀾誰倚樓頭呼鶴秋風落
日危闌

宋无

墨梅寄因上人二首

夢覺霜林墮月眼明野水浮枝橫玉不吹春去斷縑閒
寫相思
寒枝香在天外疎花影流水中梨雲夜深清夢草元筆
底春風

陸柱

題趙榮祿水村圖二首

牛馬百川獨渚烏鳶羣木西村天地四方黃鵠先生秋
雨柴門

忽有滄浪鳴笛飛鴻黃葉雲深相望美人秋水捲簾隱

几何心

趙肅

樵林楓葉

樵林夜鳴楓葉僧扉晝掩煙蘿夢裏好山十二不知何處雲多

李孝光

江邊

江邊孤樹猶碧天際白雲自流七十二灘浩蕩夕陽照見歸舟

雪晴

雪乾玉飴初香月瘦珠胎猶小開門不見臞仙白鶴橫

江清曉

朱德潤

曉晴

天寒欲晴猶雨曉色將明未明萬里碧雲平野一林落葉無聲

蔣堂

題溪山環翠樓為月潭印師賦二首

翠嵐環繞如畫綠樹高低待秋更著綸巾談笑未慙海岳菴頭

松暖鶴梳雲髮樓高人倚秋晴一片水光天影月潭分外分明

陸行直

題所南老子推蓬竹圖

并序

所南先生貞節之士有夷齊之風書畫散落人間
政自不少雖片紙不盈數寸或蘭或竹必有題詠
然其用意深密非高識韻士豈容易窺見哉予自
童稚至壯時得承顏接辭而先生去世幾二十載
今獲觀小軸如其右展卷懸情慨想甫里陸行
直書於壺中天
橫空飛佩珊珊翰墨散落人間瞻望清風高節管中時
見一斑

孫虔禮千字文

筆墨一時如雨龍蛇千古似飛展卷南窗相對朗然月
皎星輝
祝蕃

二畫

斷岸蒼煙喬木小橋野店村春一曲晚風樵唱翛然林
下相逢

疊嶂半空懸瀑平林隔岸層臺風雨一川煙浪扁舟何
處歸來

郭翼

雜詠三首

一枕北窗周易五絃南風舜琴自是無心富貴從教遁

迹山林
仙人杏花滿樹處
士楊柳當門白髮烏紗碁局綠水青山酒尊

朝汲橘泉丹井暮耕蕙圃芝田肘後長生有訣一笑曾許相傳

何儒行

春日三首

碧桃花開漢苑紫簫聲斷秦樓風暖馬嘶金勒月明人上簾鉤

花落鶯翻紅雨峰迴鷺點青嵐人別春前春後草迷江北江南

江上潮生潮落山中花謝花開生計綠蓑青笠閒情白石蒼苔

陳柏

焦山題塔

樹老雲閒鳥宿洞深月落潮迴此時此興不淺何日何年再來

趙次誠

早梅

江南冬十二月溪上梅三兩花載取小舟香影月明自棹回家

張憲

湖上

紅杏牆頭粉蝶綠楊窗外黃鸝何處春光最好蹋青人
在蘇隄

夜月

夜月小樓簞策東風深院琵琶料理宿醒未了春光又
在鄰家

題畫

遠岫層層何處矮房簇簇誰家煙樹夕陽歸鳥清溪古
渡橫槎

錢惟善

雲土隙題畫扇山中芬博外開土信慈兼青笠問計白

銀氣蒸成雲白嵐霏散作空青中有幽人小隱松風澗
水泠泠

題青山白雲圖

一箇茅廬何處小橋古木溪灣但見山青雲白不知天

上人間食齋飢春風却豈柴門豈世何厭澗谷并書日
果林倪瓚

題良常草堂圖

結屋正臨流水開門巧對長松為待神芝三秀移居華
蓋西峰

舟泊溪流曲曲鳥啼煙樹重重獸思白鶴遺址好居五
老雲峰

田舍二首

映水五株楊柳當窗一樹櫻桃灑埽石間蘿月吟哦琴
裏松濤

山鳥下窺窗牖春風時過柴門避世何須鄭谷作書已
絕巨源

為曾高士畫湖山舊隱

厭聽殘春風雨卷簾坐看青山波上鷗浮天遠林間鶴
帶雲還

雲溪佳處

誰覓雲溪佳處渚花汀竹迷藏去鶴原邊倚杖浮鷗波
上鳴榔

題竹圖

黃陵廟前雨過邯鄲谷口風生愛殺山人清致縱橫淡
寫秋聲

題畫

罨畫溪頭喚渡銅官山下尋僧水榭汀橋曲曲風林雲
磴層層

題溪山雪霽圖贈張以中

水影山容黯淡雲林細篠蕭疎誰見重居寺裏雪晴沙
際吟餘

題畫八首

雨過黃陵廟下雲生玉女井邊野雉雊鳴斜日鷓鴣啼
破林煙

月下參差雙玉燈前蕭散孤鴻寄興只消毫楮寫懷不
用絲桐

竹上誰彈清淚如鉛春雨斑斑滿眼湘江波浪望窮白
鳥飛還

高樹長松共晚蒼筠野石同貞珍重王家公子翩翩白
鶴神清

高柳喬柯小閣水光山色衡門未老作閒居賦無錢對
北海尊

孝侯廟前雨過罨畫溪頭日曛舊迹如今夢裏春風愁
亂行雲

贈潘仁仲

瓶內花簪白萼庭中池養金魚馴虎只憑丹竈活人惟
留素書

至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門聞寂懷人山
色依微

王逢

題杉溪老人家壁六言四首

十角犁牛前巷一機黃絹比鄰婦事姑嫜婉順兒看賓

御選元詩 卷之九
繞屋一灣水綠迎軒數朶峰青沙路鷗盟新定雲松鶴
夢初醒

九日寄興

黃菊香殘夜雨烏紗醉落秋風回首十年舊事亂雲流
水西東

月夜梅邊即事

香裏寒雲滿溪月明津渡人迷夢入江南舊路夕陽流
水橋西

貢性之

題春山煙雨圖

柳帶輕煙澹澹花含宿雨深深魚樂新添曉漲鳥啼越

覺春陰

題長夏雲林圖

雨過溪流交響樹涼暑氣潛消不是謝公別墅定應杜
老西郊

題畫扇四首

三間兩間茅屋五里十里松聲如此山中景色何時共
我同行西畧
萬事從教計拙千金難買身閒船尾都教載酒船頭飽
看青山

鴨嘴灘連溪尾羊腸路轉山腰雲氣晴晴雨雨泉聲暮
暮朝朝

綠樹灣頭釣艇青山凹裏人家前度劉郎去也莫教流出桃花

謝應芳

書路城樵舍壁

灤東灤西農晦巷南巷北人家白露秋香雞黍綠雲春

周敏

友竹軒詩

我愛此君晚節乃知我友歲寒相與了無俗氣喜聞日報平安

馬臻

雜詠四首

堤晚遊人爭渡花密流鶯亂鳴近水樓臺柳色轉山樓觀鐘聲

煙外幽人獨立落日正照平臺野鷺聯翩飛去山雲斷續歸來

楚尾吳頭舊夢水邊山際閒情一夜杏園風急等閒吹老鶯聲

野渡綠波芳草落日青山杜鵑多少臨岐別恨送君歸去閒眠

春日偶成三首

半窗落月人老一夜東風燕來迢遞春歸幾度依稀夢

憶三臺

兩袖水風春冷一抹山煙晚晴小檻倒披花影歸船遠
送歌聲

燕拂花陰繡轂人指簫聲畫樓楊柳六橋舊夢夕陽一
段新愁

張雨

煙梅睡雀墨戲

珍偶偏憐瓊樹寒香漠漠紛紛誰見羅浮月黑一枝同
夢梨雲

絕句

二山環合一水中有老木參天不著幽人草閣誰收無

限雲煙

善住

冬夕

繁草霜嚴綠減疏星雲盡光寒城頭一聲畫角月落烏
啼夜闌

福嚴即事

村邊幾株紅樹屋外四面青山終日無人能到孤雲薄
暮飛還

本誠

大書齋即事偶成

徑遠松篁翳鬱日長庭院清虛大貴莫過學道至樂無

御選元詩
如讀書

大圭

無題

樹影半窗明月蟲聲一夜清秋我意浩然千古人間總是閑愁

無名氏

題米家山圖

雨過石生五色雲來山餘數層時有炊煙出樹中多隱士高僧

雜體

明本

九字梅花詠

昨夜西風吹折千林梢渡口小艇滾入沙灘坳野橋古梅獨卧寒屋角疎影橫斜暗上書窗敲半枯半活幾箇壓蓓蕾欲開未開數點含香苞縱使畫工奇妙也縮手我愛清香故把新詩嘲

劉因

續十二辰詩

飢鳶嚇鼠驚不起牛背高眠有如此江山虎踞千里來才辨荊州兔穴爾魚龍入海浩無涯幻境等是杯中蛇馬耳秋風去無跡羊腸蜀道早還家何必高門沐猴舞豚穿雞棲皆樂土柴門狗吠報鄰翁約買神猪謝春雨

陳孚

交趾橋市驛戲作藥名詩

長空青茫茫大澤瀉月色使君子何來山椒遠于役虎
狼毒草叢淚如鉛水滴更苦參與商骨肉桂海隔問天
何當歸天南星漢白

陳高

藥名詩

丈夫懷遠志兒女苦參商過海防風浪何當歸故鄉

陳高

禽名詩

遊子歸心切提壺看落紅告天天不語愁殺白頭翁

毛直方

泥滑滑

泥滑滑日已西泥深屨滑涎征衣征衣涎盡不肯歸分
明數聲行不得請君更聽鷓鴣啼

任士林

四禽言

錄二首

行不得哥哥未曙登程日已蹉腹飢足趺可奈何前山
雨暗豺虎多

脫袴脫袴破碎一鍼無補處誰持篋中新換我身上故
但得深閨有孟光年年袴破亦不惡

王沂

禽言

婆餅焦徒爾鳴黃雲茫茫與天平去年麥熟苦梅雨東
疇西隴飛蛾生今年麥熟不得割去學精衛填滄溟婆
餅焦無樂聲

蠶筐八隻脚新繭已上箔新繭上箔且莫喜門前催租
吏如鬼小姑繰絲手不停夜畏碩鼠朝畏蠅織成疋素
不中式姑嫂相看機杼泣

提胡盧聲相呼去年賣犢出賦租江村酒賤無錢沽無
錢沽酒莫作惡不到縣門身即樂

桂瓌

八禽言

錄四首

脫布袴脫布袴人情好新皆厭故古來聞有韓昭侯此
日那逢廉叔度千需萬索杼軸空今年新衣在何處脫
布袴風雨寒脫時容易換時難

三箇半布積累寸盈尺度下機先製老姑衣忍使天寒
披故絮篋中止有半疋存征人書來索襦袴布已盡秋
又風妾身依然單過冬

泥滑滑泥滑滑暮雨蕭蕭暝雲結苦竹岡頭虎跡新黃
蒿城外人蹤絕僕夫股栗步莫前瘦馬凌兢愁僕蹶泥
滑滑何時乾出門咫尺行路難

行不得也哥哥千呼萬喚奈爾何黃陵花落暗春雨湘
江水深生素波奮衣出門天地窄仗劍欲往旌旗多行

不得早歸來只今誰埽黃金臺

郭翼

五禽言 錄四首

布穀布穀催布穀去年官軍糧不足里正輸糧車輓輓
六月長枷在牢獄今年穀種未入泥布穀早催須早啼
蘆戛戛蘆戛戛沙場盡樵伐樵人指秃山無枝枿嗟嗟
鳳皇無處棲鷓鴣何處巢一枝

鍛磨鍛磨麥熟農夫餓家家無麥還租課年年溼麥五
斗租一石曬乾量不過磨子不鍛竈不燒門前誰呼婆
餅焦

秦吉了秦吉了人言汝是能言鳥嘲啁觜舌長賣弄言

語巧野人張羅在林杪富貴一落樊中羈不如兩翅盤
天嬉

胡天游

和禽言

婆餅焦

婆餅焦新婦腰鎌孫荷樵原頭麥熟空滿壟丈夫盡赴
征西徭嗚呼土鎗敲火淚如雨婆餅不焦心自苦

歸去樂

歸去樂蜀道崔嵬天一角青泥百折費躋攀灑灑翻空
波浪惡嗚呼朝避長蛇夕猛虎干戈滿眼歸何所

楊維禎

五禽言 并序 錄二首

禽言無出梅都官之作予猶惜其句律佳而無風
勸之意故予製五禽言言若拙而意頗關風勸焉
喚起喚起東方明門前已如市上林有烏殺司晨苦殺
蕭娘睡方美
提胡盧提胡盧沽酒何處沽烏程與若下美酒高無價
小姑典金釵勸郎醉即罷君不見城中官長壺盧提十
日九日醉如泥

盛或

禽言

泥滑滑江南路雨雨風風怕春暮郎行三月未還家妾

心還似郎心苦泥滑滑妾難行閒階獨步青苔生階前
雨歇櫻桃發白日須明照羅襪只今世路滑如泥郎行
善保千金軀

黃玠

隱興迴文詩

萋萋草帶書窗碧瘦竹輕藤引客看棲鶴伴雲歸岫晚
斷雲拖雨過江寒畦分暗水池亭小石戴閑花野館殘
西崦松林通徑窈共君邀月對琴彈

謝應芳

題村田樂圖用三五七言體

老人村老瓦盆嘗作雞豚社不識州縣門阿翁醉倒阿

印選元寺 卷三 盛或 黃玠 謝應芳

婆笑膝上呶啞弄乳孫

鄭氏允端

秋夜三五七言

風乍起月初陰樹頭梧葉響階下草蟲吟何處高樓吹短笛誰家急杵擣清砧

無名氏

三五七言次李謫仙韻題宋復古秋山對月圖

宋才清迪德明思超雲物外筆落鬼神驚秋山舊跡令人賞對月風流萬古情

李孝光

送輔賢出山作首尾吟二首

儒官不畏簡書催拄杖休驚石上苔行到水窮雲起處路從四十九盤來
路從四十九盤來樹底看雲首獨回客裏不知身是客
向人猶愛話簫臺

陳樵

輻輳進退格詩三首

空翠堂

蕉葉茂葵照檻明山光入室雨初晴平分天上無邊色送盡江南未了青
息石長年依砌活茯苓無種入階生
亭西昨日林霏重採藥歸來露滿庭

石樓草廬

一室寬於一畝宮隔林竹樹影重重青春著地十分綠
白日經天兩度紅小草自憐無遠志茯苓終不近孤松
未須西憶金華洞只在周回百里中
禁籞名園信所之深紅膩紫共春暉人疑落葉有生色
我道飛花上故枝掌上豔姬垂裏舞屋頭故吏竊香歸
花中只許秦宮活未必莊生入夢思

曹文晦

五雜俎

五雜俎雙玉瓶舟已具潮已平五雜俎雙玉筋水自流
天涯一點紅離思千萬重

大訢

曹伯珪築室曰桂齋戲作俳偕體

阿仙騎蟾白銀闕醉折秋華餐玉屑霓裳曲散隨清塵
涼夜素娥悲白髮玉輪碾香空翠寒流光萬里君合歡
大星漸低海色白高齋翠影空團團萬卷芳心期厚地
憔悴秋香忍相棄百年若使富貴羈淮南小山歸不歸

徐琰

楊玉翁山居山字詩

天為詩翁惟愛山箇人生在萬山間朝凭山坐舒青眼
暮對山眠擁翠鬟山館讀書風俗美山田足食子孫閒
龜腸日飲山中醪何必仙山覓九還

張翥

清河水漲荅復中吉監縣水字詩

潏泱清河漲湍流滋浸淫滄溟渾灌注濁浪洁浮沈洲
渚津涯濶泥沙沮洳深沿淮澤鴻滿漂蕩渡江潯

王思誠

過夏縣有感作疊字詩

翼翼夏禹邑訐訐郇伯疆雍雍司馬里穆穆楊公鄉嗟
嗟聖賢遠悠悠風化長岌岌瑤臺頂奕奕鳴條岡蕭蕭
祠廟古寂寂城郭荒靡靡我行邁摇摇心憂傷

宋无

大鯨背吟用詩尾聯古句體

并序

僕粗涉詩書薄遊山水偶託迹於胄科未忘情於
筆硯緣木求魚乘桴浮海觀千艘之漕餉勢若龍
驤受半載之奔波名如蝸角碧漢迢迢一似浮槎
於天上銀濤洶湧幾番戰慄於船中今將所歷海
洋山島與夫風物所聞舟航所見各成詩一首詩
尾聯以古句蓋滑稽也非敢稱於格律然而風檣
金盃之下柁樓之上舉酒酌月亦可與梢人黃帽郎同
發一笑云爾

梢水

拔矴張篷豈暫停為貪薄利故輕生幾宵風雨船頭坐
不脫蓑衣卧月明

鶯遊山

崖倚波濤頂接空黃鶯遊處樹成叢莫言山上人希住
多少樓臺煙雨中

日出

金鳥搖上浪如堆萬象分明海色開遙望扶桑岸頭近
小舟撐出柳陰來

揆沙

萬斛龍驤一葉輕逆風寸步不能行如今閣在沙灘上
野渡無人舟自橫

海鷗

羣飛獨宿水中央逐浪隨波羽半傷莫去西湖花裏睡

芰荷翻雨打鴛鴦

沙門島

積沙成島浸蒼空古祀龍妃石崦東亦有遊人記曾到
去年今日此門中

萊州洋

萊州洋內浪頻高矴鐵千尋繫不牢傳與海神休恣意
二三升水作波濤

水程

九日灘頭不可移九灘一日尚嫌遲何須頻問程多少
路上行人口是碑

尋踪

御選元言 卷二
萬艦同踪在海心一時相離不知音夜來欲問平安信
明月蘆花何處尋

拋石
千斤鐵釘繫船頭萬丈灘中得挽留想見夜深拋擲處
驚魚錯認月沈鈎

出火
前船去速後踪忙暗裏尋踪認火光何處笙歌歸棹晚
高燒銀燭照紅妝

落篷
潮信篷留風力慳落篷少歇浪中間殷勤為向梢人道
又得浮生半日閒

走風

夜颶顛狂浪捲天深淵多少走風船一宵行盡波濤險
只在蘆花淺水邊

櫓歌

浪靜船遲共一踪櫓聲齊起響連空要將檀板輕輕和
又被風吹別調中

大浪

吞天高浪雪成堆搖蕩驚心眼怕開深謝波神費工力
幾回風雨送將來

探淺

探水行船逐步尋忽逢沙淺便驚心蓬萊近處更難徧

御選元言 卷二十九
揚子江頭浪最深

討水

海波鹹苦帶流沙
島上清泉味最佳
莫笑行人不風韻
一瓶春水自煎茶

討柴

海樹年深成大材
一時斧伐作薪來
山人指點長松說
盡是劉郎去後栽

直沽

直沽風月可消愁
標格燕山第一州
細問花名何處出
揚州十里小紅樓

自題

乘興風波萬里遊
清如王子泛扁舟
早知鯨背推敲險
悔不來時只跨牛

鄭采

題復古秋山對月圖用奇字體

天矍矍兮月朏朏
山岵岵兮水漉漉
木森森兮竹箘箘
勢纍纍兮墨鱗鱗

御選元詩卷第七十九

御選元詩卷第八

大疑疑令且照照山

大疑疑令且照照山

賦賦古林山

直下直來

與下與和

來興風吹萬里

御選元詩卷第八目錄

雜體

方回聯句二首

白珽聯句二首

趙孟頫聯句一首

袁桷聯句一首

袁裒聯句二首

馬祖常聯句二首

宋本聯句一首

丁復聯句一首

貢師泰聯句一首

曹知白聯句一首

鄭基聯句一首

陳基聯句一首

楊維禎聯句一首

戴良聯句一首

顧瑛聯句五首

貢性之聯句一首

李道坦聯句一首

張雨聯句一首

劉因集陶一首集杜一首

陳孚集句十首

于石集句二首

黃潛集陶二首

吳師道集句一首

陳泰集杜一首

韓性集杜一首

郭豫亨集句十二首

金岷集陶一首

馬臻集句二首

張雨集太白語一首集王摩詰書語二首

賈雲華集句六首

鄭氏允端集句三首

何理問集古一首

無名氏集古一首

蘇西集古一首 蘇王集古一首 蘇書集古一首

馮毅集古一首

金州集古一首

韓軒集古一首

韓到集古一首

刺泰集古一首

吳兩集古一首

黃晉集古一首 集社一首

于公集古一首

子文 〇〇〇〇〇

御選元詩卷第八十

雜體

方回

與孟能靜飲聯句

三月一日春如酒紅是桃花綠楊柳人生不醉欲如何

不如意常十八九孟暫茲袖公補天手誰能籍我談天

口挹斗酌海兩相逢天風吹入無何有方

三月三日一觴酒同上危樓望晴柳豈可不飲負此春

向來風雨十朝九方何必水邊看麗人何必水晶行素

鱗曲阜橋邊同一醉杭州城裏兩閑身孟

白珽

玉清宮與趙達夫鮮于樞聯句

湖田漠漠水禽飛夫達堤柳斜斜帶夕暉樞二月江南好

天氣珽初陽臺上愜春衣

巾子峰頭樣釣船夫達初陽臺上坐鳴絃出雲高樹明殘

日珽過雨蒼苔泣細泉絕俗誰能繼遐躅樞凌空我欲

學飛仙夫達還家正恐鄉人問珽化鶴重來知幾年樞

趙孟頫

醉後同張剛父清風樓聯句

碧樹未黃風露秋晚雲蕭瑟亂山愁趙千家疎雨催砧

杵兩岸殘陽入釣舟張畫角吹殘人罷市清尊飲散客

登樓趙古今回首俱陳迹唯有溪聲日夜流張

袁桷

送曾編修同王繼學聯句

奇鶴慕南雲俊鶻欣北雪行藏龜左顧去住坂九折纂

書墨兵從擬制銅史挈佩委松籟回冠峨星光徹瓠花

窺日輪井藻旋風鐵歸思紅葉高家憂紫荊裂晨裝發

五兩夕祖謝駟躡沙明石痕瘦川遠梳影列吳歌導鷗

舞楚製慘鶉結汀葭青女臨岸橘黃人揭組練危瀑懸

簫磬古灘咽詩箋江神幻目送山君別炯炯鴈集洲挺

挺鸛鳴垤賈颿魚貫直僧屐鷺飛滅前坡指迎帽舊墓

拜表碣明知紹世譜詎肯逐宦轍兒孤文襁昏女乳粉

鈿涅深思振鷁原後脣超鳳穴過都塊非歷去魯浙豈

接歌驪念睽違瞻蟾數盈缺

袁哀

東湖聯句

舊學蕪三史新居隘一廛煎熬魚煦轍奔竄鳥驚弦擬
 整登山屐長伯須乘破浪船出關塵已遠平德過埭意爭先
 歸船攢桅聚長伯浮梁斷鎖懸潮渾江葑沒平德滕破岸藤
 纏戍柵依樟密長伯官隄砌石平機閒蠶喚織平德砧響鴈
 傳箋乍靜喧煩耳長伯猶欣展轉眠鷓橋華屋廢平德鶯滙
 曲河連稻實閑農具長伯鹺嚴絕竈煙急裝紅蔽膝平德辯
 髮黑垂肩估客編文具長伯村家緯木棉生涯疲剝割平德
 世路窘迤邐龕室休行客長伯郵亭歎逝川鞫鷹圍獵罷

平德聯騎縱遊旋路轉分支港長伯川明幻別天鄧城花已

平德甬水恨空傳數堠搜唐刻長伯題詩紀宋編會堂夫

子像平德汲井隱居泉海眼藏龍窟長伯山心射鹿田水鳴

知權急平德岸走訝途遷隱見岡巒近長伯低昂橘柚鮮青

山猶五里平德綠樹已千年歸犢如雲擁長伯閑花似火然

苧裳遊女淨平德蘆管野伶妍繫纜披團壑長伯循溪舍竹

復徑香幽菊傲平德土薄假山偏鐙火精廬古長伯衣冠故

物全登門論子姓平德對土敘姻聯金魄篩窗影長伯丹砂

養井淵螢飛光熠熠平德鶴唳翼涓涓斗室橫烏几長伯方

牀藉素瓊魂清時入夢平德意得竟忘筌過墓成扃戶長伯

遵湖復扣舷滄洲迷秀麥平德真隱拱朱椽碧洞諸天杳

長伯 蒼珉帝畫鐫梯危頻縮武 平德 像寂且擎拳紫府商霖

歌長伯 丹書漢澤宣銅鋪苔暗蝕 平德 經皮燕新穿倦鳥辭

枯柳長伯 游龜戴早蓮古奩開澁灩 平德 斜穀縐漪連淤塞

芟排劍長伯 洲乾蓼糝鈿官徵都尉粟 平德 漁納水衡錢王

絕山靈泣長伯 祠荒野老憐紙旗鄰社鬧 平德 草六曲河填

此去真聊爾長伯 斯行信偶然柏幽藏魍魎 平德 潭黑袞蜿

蜓雅興吻吻鹿長伯 勞生跼跼鳶攬芳真啗蔗 平德 寫絕擬

和鉛轍跡蕪菁翳長伯 麻綦臬耳緣貞娥鬱龍虎 平德 胄相

紹貂蟬宰木分神隧長伯 思亭列石筵風霜翁仲老 平德 香

火釋迦專楚些招歸魄長伯 王官慨昔賢拜峰誰控勒 平德

篆水自書元屈曲東西路長伯 縱橫南北阡繁華眸轉電

平德 得失口垂涎絮酒悲宗老長伯 囊經想地仙房温連梵

平德 市近接腥羶破露生衣溼長伯 登坡弱足胼卧牛遺

扁暗平德 眠鹿繪容虔金刹從茲訪長伯 塵纓合少蠲伐山

靈運躁平德 衝雪子猷顛檜暖蜂偷蜜長伯 蘆寒鳥啄綿蟹

稀螯數百平德 樵夥斧論千淡日收人影長伯 空嵐漲土埏

蒲葵遮望眼平德 繭紙論吟篇除道家僮嬾長伯 偷程地主

僂蟻封徒曲折平德 駒隙漫拘攣碎石行行直長伯 修篁箇

箇圓深叢驚雉翠平德 夾徑聳楠梗濯錦芙蓉豔長伯 飄香

桂子駢雕楹回複道平德 斜閣布陶甄刻畫功難盡長伯 暈

飛勢欲翩奉常陳劍履平德 尚服錫紘緹幘織鮫人網長伯

帷凝罽國旃妖姝汗粉頰平德 土偶聳高顛驅石當時力

御選元詩 卷八 表哀

長伯臨淵昔日權只今留舊業平德何處覓幽禪燕領風雲

會長伯龜趺日月躔蛛窠緣袞服平德鼠跡上朱籩累僕供

朝沃長伯因僧進午饘佳城蹲五鳳平德素業廢三鱣勝已

窮蘭若長伯名猶慕偃佺臺空霞珮冷平德殿寂羽幢薦觀

主何年住長伯真官永世鍵畫梁誰復葺平德美蔭久頻股

木已非真李長伯僧宜賤壽錢悲來雲幕幕平德恨極水潺

潺重嶺藏椒屋長伯斜暉指蕙楊暫歸心未穩平德欲去眼

空眩憶昔窮誅闢長伯如今猛棄捐慈山名轉赫平德困塽

恥誰湔積翠林霏悄長伯流波海月娟遠鐘催宿鳥平德橫

笛挂烏犍拄笏風騷夙長伯攜壺主僕牽情懷同黍醴平德

臭味比香荃圓澤休論舊長伯華胥復記前乳彪號澗側

平德哀狄嘯雲巔惇族盤餐盛長伯通家笑語闐鷓鴣歸槩

熟平德舩艤逆風沿濟勝應難促長伯臨流且賦遄鴟夷歌

逝矣平德漁父卜終焉紫槿遮籬角長伯丹楓壓廟堧鍊形

金骨化平德團礎土砂堅破屋啼山鬼長伯荒碑立老鷓歲

時羞野賽平德水旱禱靈尊西帝澄金字長伯東湖鑄玉璿

涼颼舟泛泛平德晴日草芊芊射鴨縈長弋長伯又魚擊短

鋌酒壚橫矮甕平德屠几斫肥牲街市僧袍麗長伯招虛販

鼓齎登臨難婉戀平德想像費平銓更欲南窺海長伯誰能

北跨燕同心雙繭緒平德狗俗走珠蟻朗鑒詞聯寫長伯元

談茗更煎翱翔誠放浪平德匍匐類狂孱已乏凌雲句長伯

時思縮項編還家如夢寐平德共點曉霞邊長伯

御選元詩 卷之二 表哀 五

遠遊聯句

壬寅冬與伯長同留
姑蘇時伯長將赴都

海鵬跨南雲一去挾浩蕩宛駒踏北雪絕足追罔象宵

征車載脂伯長明發燈在幌行邁念悄悄離愁懷養養違

吳始接浙平德過越類指掌蛛網結遐思羯鼓促新響觴

至不復辭長伯駕逸誰能仿明堂企棟梁武庫輸篠蕩氣

合芝蘭芬平德學愧蓬麻長大施朱絃清小薦金莖沆雲

間鶴孤唳長伯天外鴻橫上曉舲斲層冰午店憩平壤追

攀瞰煙濤平德涉歷走塵鞅長淮橋帶蝮薄霧裹驕驥風

臺牛一鳴長伯日觀雞三唱搏桑沃如蓋宿草亂若緇青

帘客沽酒平德素鬣漁收網心觀洙泗流眼豁恒岱爽追

程騎侵星長伯勸耕農植杖俗厚喜豐登氣俠存慨慷伊

河既東流平德維斗復北仰誰云風土殊始覺宇宙廣骨

聳終超騰神清何恂恂鈞天夢非真長伯廣寒步空想銖

朱入閭闔芥粒視北垓長伯千官紫府榮九奏彤庭袒摛文

翦金炬平德展采簇天仗清都踰咫尺弱水漫方丈絳旂

雲霧開寶扇日月晃仁聲被八表長伯德意蘇羣枉泥檢

極封崇芬苾嚴肸蠁瑞氣藹重重泰階瞻兩兩馳峰出

天厨平德裹蹠錫中帑鳴珂接俊彥正笏嫉偏黨德人笑

采芝逋客棄拾橡茅拔要有方長伯矢來本無嚮湘纍但

瑰詞越相僅金像遭讒氣徒憤得計身何往豈如及承

平相與窮昭朗君行步飄飄我滯心悒快輕霜著衣帽

平德微霰點草莽離歌起蒹葭古製出盆盎先登匪十獲

後至激孤獎城南燈火深長伯塞北音書往東風漸披拂

臘水初滉漾詩成愈加險酒盡未為彊雙眸秋水炯平德

累語春波盪經行度崎危交友希侗儻羈遊棄楚荒遠

客憐齊僖光陰尺璧重長伯事業千金賞行還鴈塢題復

睹鴻都榜時來戒步窘事至勿技癢脂韋本凡近平德鐵

石乃忠讜詞林納疵美書田課荒穰列仙會儒癯羣仕

趨吏駟陸生強尹憂陶令終骯髒貞心百壬辟正色上

帝享徒為捧心施莫學畫眉敞功名要無心造物端有

相行行遂初志作事記疇曩長伯

馬祖常

鸚鵡聯句同王繼學賦

雕籠居啄桃袷服儀采綠南荒孕靈質西顛發麗曲頸

綬紅縈絲喙棘頰屈玉蓄慧婉含章裸彩粲成縛能言

貫珠舌善舞凌雲躅金眸肖鞫隼珍畜異巢鵠層塢寶

舍利深杯注醯醪流丹曙林度隋翠春洲浴石鏡影毯

毳銅梁步陸續題賦吾豈能入貢爾應錄

天慶寺納涼聯句

槐屋夏陰繁石池暑氣清高堂瞰福田邃宇依王城午

磬梵唄集夜廊酥燈明龕經鬱金字壁礎承丹楹寂寂

鴿棲罟宛宛燕穿榮露葵炫晝豔霞藥敷陽英境闌便

靜室心古樂高情逍遙祇園賞迤邐廬社盟山枕藉雲

潤水簟凝冰輕飯盃給香積袈裟褫華纓共忻朋簪合

敢謂詞鋒并睥睨荒草棘橫縱按林垆幽尋振塵鞅雅
談忘飛觥鄙哉河朔飲投憤得世名

宋本

南城校文聯句

并序

翰林直學士馬祖常左司都事宋本太常博士謝
端丙寅大都鄉試貢院作

天街麗奎文王都會髦弁奉璋來峩峩祖常佩玉坐宴宴

揖庭鴈鷺立干祿虎豹變本解衣三褫帶束卷一如縛

端蜂房磬折入本鈴素宮懸奠瀋墨翻元江祖常炬蠟燒

赤電端冥思嗒移精本幽探寂凝眇刻楮非三年祖常穿

楊真一箭微吟忽首肯端急寫掇意見字誤率一注本

藁屬各後先廟器陳古制祖常舶香然甲煎潘陸蕪靜分

端枚馬遲速見駝疥落珣毛本牛溲起回漩趨蹌進程

書祖常緘封遞膳繕號分梵夾字端畫裂蒼史篆校讀乃

上副本考第或當薦揀金晝披沙祖常肉麟宵設饌頰蹙

咨碌碌端眼鬼矜涎涎去取決一目本利鈍盡三戰仙

籍銀榜懸祖常牙門鵠袍袷數盈輻共轂端餘棄繻過傳

得雋九族賀本敗績十朋唁工歌勞府主祖常八授集曹

掾淳母太官具端孺肩庖丁剗瓶壘雜酒漣本供張爛

彩茜羣譁劇賓興衆樂釀飲餞里嫗嗔兒癡祖常室婦詈

夫懦憶昨被請初本自報官居賤鳴騶紛碎易端曲巷

隘迴遭飛蓋及泮水本重鑰限別院邏卒游鐸振祖常周

垣園棘柵攝事四列署端防嫌兩隔面御史官方峻本

主司目敢眩持衡亦榮名祖束溼奈罔胃浹旬雖獨苦

端得士期眾羨博士曲臺秀翰林金閨彥敘賦極翮縷

修詞妙貫穿而我典簿領偶爾共筆硯補綴褐倒繡瑣

碎鞮拆線細書刻他山奇迹壯赤縣本

丁復

同永嘉李季和望鍾山聯句

鍾山日在望匏繫未成往我本忘世人孝誰能久塵鞅

窮援苟擇木復冥鴻不離網納叢升斗縻孝迺此尺尋

枉川江互迢遞復天地一莽宦霸氣遂終陳孝山名猶

姓蔣策羸結幽躋復拔茹傾勝賞踈林萬蚪伏孝獐石

羣獸仰雨晴虹蜺裂復雲熱鸛鶴響靈骨瘞浮屠孝癯

跌踞方丈陟閣鷹巢危復闕戶蜂房敞禪林舊稱一孝

梵刹新闡兩苾芻化城喻復獬廡嚴駕上一人軒小月

孝七佛築峻壤後猊睥玉除復科斗胃銀榜庸超謝羶

葷孝媚禱懷肝蠻俗子空卑棲復至人廓遐想相期訪

龍盤孝何如遊鴈宕窗明誦楞嚴復林昏過魍魎終然

千仞顛孝極彼九州廣圓龕坐覓心復方具跪合掌攬

秀目顛顛孝討憂心養養沈綿阻客遊復爽塏令人獎

境虛雲壓闌孝江遠浪浮槩揮清宜塵尾復翳靜便鶴

擎域分三國鼎孝淮湊百川輞喜彈青綺冠復倦曳綠

玉杖朝晴竟崎嶇孝夜夢猶髣髴祝酒遣詩魔復搜句

搔技癢深推衆壑宗

光孝

雄據諸峰長碧眼覽益遠

復

白

髯聯苦強地籟息箕簸

光孝

天孫遺女紡金聲調危鐸

復

石華繡卑礫騎驢約茲後

復

腹果歸莽蒼間休幼安席

光孝

敏奪雲門棒竹露曉衾

復

溼松颺秋髮爽玉樹異風標

光孝

珠林列星朗躡屐去

復

後齒早炊囊宿澆弔古重追尋

光孝

披荒增慨慷

復

貢師泰

剪燈聯句

并序

元夕同吳子彥劉子清侯敬文會飲水陽陳善甫

家用剪燈聯句云

夜暖拈香繭春寒落剪刀勞心連鬱結

貢

綺思出長縲

點綴輕蟬翼

吳

袞黏細鳳毛風花凝瑣碎

貢

雲葉護周

遭影爍金垂燼

侯

光融玉作膏舞裯圍落絮

劉

歌扇逐

飛桃帶轉銀幡小

貢

輪迴寶蓋高蜘蛛圍露網

吳

顧兔

隋秋毫鶯擲翻紅雪

侯

魚跳起碧濤春陽噓蛺蝶

劉

秋

冷蛻切螭翠薄荷分鈿絲柔柳散條青童來絳節玉女

翳纖翻碎訝珠胎迸尖愁燕尾翽微茫縈錯落斜隙漏

葡萄飴銜空燒蠟棚山謾結鰲浮塵籠漠漠流水眩滔

滔纂綺難為密裁綃祗自勞嬋娟妬清夜蟬竦落晴臯

製異宮人綬榮懷學士綯未曾分寶炬先許照欄袍劇

賞尊頻倒窮搜筆屢操盍簪嘶騷裏奮袖舞豪曹酒促

華筵散詩慙白戰麈時平無夜禁繁弱且歸歿

貢

曹知白

遂生亭與錢南金陸伯翔陸伯弘邵復孺安雅
世長自聞熏師聯句

深冬鼓大籟極寒抑新陽曹貞素凍痕固封坼暝色浮穹蒼

針暉射屋壁嚴飈襲衣裳曹世長氣候沍昕夕景物惟冰

霜陸伯翔幽居絕蕭散喬木相低昂僧自聞長林展圖書疎松奏

笙簧陸伯弘經時歲云暮撫事心亦傷邵復孺朋來温重席衆喜

累千觴曹安雅窗梅弄疎影盤蠟搖寒光伯翔竹鑪榾柮火柏

子氤氳香伯聞豆籩既無算肴核復屢將伯弘野葢雜鶉雉

溪魚間鱖鱠世長翠罌玉蛆凍犀筋紅肉僵安雅偉哉青雲

彥會此白石房南金盍簪意已洽得酒氣益強伯弘世道久

澆薄古意殊荒涼復孺真情悅親戚佳會非尋常貞素高才

貴瑚璉妙語鏘琳琅南金太原興五姓燕山尊十郎伯翔阿

翁真矍鑠我輩俱頽頽世長宗族互有託禮貌詎可量安雅

舟車遠無間燈火遙相望自聞九世同安居百年有餘慶

復孺兒孫等鱗次兄弟列鴈行貞素賴有北道阮況得共被

姜安雅鳩杖祝勿咽兕觥介無疆伯翔晨昏足甘旨歲時謹

烝嘗安雅臭味忘薰蕕優劣何糝糠自聞躬勤樂耕釣志儉

忘膏粱伯弘招隱及巖谷濯纓下滄浪南金清風起竹徑朝

陽耀梧桐世長歌長擊瓦缶興酣據胡牀貞素秋花照籬落

春草生池塘復孺望重詩禮庭志薄名利場南金學術本鄒

魯治化沾虞唐貞素百兩重聘國千金戒垂堂伯翔雄觀隘

四海壯志馳八荒伯弘恒鄙貨殖貢豈羨干祿張安雅詞源

尚屈宋書法追鍾王世長奇才任犖犖雅量須汪汪自聞心

胸蘊星斗頭角斬珪璋伯弘黃麻珍世賞青檀寶家藏伯翔

松柏抱貞秀蘭蕙含芬芳世長擬儕谷口鄭弗愧商山黃

復孺曳裾或混俗衣錦寧忘鄉南金王掾元不癡鄴生乃佯

狂復孺婉變談笑闊輾轉理義長貞素會合益膠漆契闊毋

參商笑論寒稍弛歡樂夜未央南金真性本寥廓幻身且

徜徉自聞聯詩出雅頌看劒生光芒世長焚膏照無寐淪茗

搜枯腸自聞人情笑失馬世利嗟亡羊伯翔惟茲一餉樂勝

彼終日忙安雅所欲論文字初不事酒漿貞素者英固難繼

真率或可方復孺坐醉春滿席起舞月在梁南金宿氛息廣

漠晴暎炫扶桑伯弘分袂重慷慨驅車走康莊安雅猗歟紀

宴集斐然成文章復孺

鄭基

同王原吉逢訪吳庠鄭德明教授元祐俞叔鉉

學正彙教授留飲齋中是夕雪因相與聯句

中吳泮宮古廣文官舍敞佩衿方休誦逢冠帶駢憩鞅

歲晏雲四合祐雪暮霰交響飛簾勢簸揭基滕六影下

上汗邪畢潔淨彙塊軋周滌蕩若將混端倪逢無復別

封壤颯沓竹未俯祐萃兀木本強漏壺咽銅龍基城柝

卧素蟒冰澌靜膠研彙顥氣深透幌香乾芸散帙逢味

永藿凍盎擁褐肩獨聳祐擊鉢心共癢詩盟得塞郊基

茗飲失麤党路迷梁園邈集地切程門文殊憐跼驢背

逢頗快衣鶴整洗廖度郢曲祐浩漾泛剡槩流風注存

心基叔世入紆想戍遥敷瘵苦集野曠爪牙攘好音懷

鴟梟逢怪物絕魍魎願追文正躅祐不辭慶曆黨層薨

度諸經基直道擴羣枉新知春蘭藹集舊遊曙星朗謙

虛側臯比逢欲寡賤熊掌張燈初筵秩祐舉爵朋酒饗

黃羞登俎柑基白薦作羹鯨敘齒先一飯集探錢罄餘

帑清宜禪堂分逢端許賢守賞螟蛉殄無類祐來牟屬

有象陰褰天光發基陽復履道長高視吞八九集獨立

配參兩幸敦君子交再極尼丘仰逢

陳基

至正十一年正月一日遂昌鄭元祐龍門僧良

琦臨海陳基聯句送匡廬道士于彥成歸越兼

簡蕭靖復盧益修

歲朝逢王春雨雪暗吳下行人當明發祐別袂慘莫把

飄飄賀監舟基蹠躐靈運馬山驛梅始繁琦溪船浪仍

打行紆莊烏吟祐去結遠公社禹穴紉奧編基蘭亭集

羣雅神韻鶴整朗風標鶯經寫祐雙鳧繼遐躅千秋祝

純嘏基信憑回潮尾春融枯樟髀祐越臺瞰蓬瀛胥濤

駕龕赭基白戰隱鞍甲綠醕酣觥竿祐知囊倒精悍詞

鋒發侈哆琦蕭臺多神仙盧敖本靜者道樞混溟滓語

穿脫謖髀祐但令冠峩峩肯羨綬若若滄海等稊米黃

金真土苴接離或露髮短褐不掩踝捷若矢離弦勇如
金躍冶青雲步伊始白雪和殊寡基土膏動勾萌春情
滿原野琦桂樹歌詎已柳枝折難舍基別夢梁月隋清
談松風灑琦蓬藿既可居蘆菹自堪鮓基望望玉山阿
來期卜燈炮祐

楊維楨

同郊九成過玉山舟中聯句

城角初升旭日暹舵樓東向起遐瞻鰲頭直下癡雲暗
維鷓尾徐開破浪恬野色微明金水曲韶清江隱見玉
山尖雨收幕燕簷牙起維風颭檣烏帆腹添波影白翻
鷗箇箇韶燒痕青出麥纖纖弋來野鶩毛全蛻維筍得

冰魚口尚噉解籜上萌蓮蒨苦韶潑醅新盎蜜脾甜避
船好鳥機先識維入座江花手自拈未必江山惟客有
韶也知吏隱許吾兼桃花不隔仙源路詩就寧辭晷刻

淹維

戴良

甲辰元日對雪聯句

三冬不作雪元日乃飛花殆似呈豐兆蔡還如獻歲華
曉梅同璀璨戴凍蝶鬪文加壘徑如拖練徐旋空若攪
車隨風疎復密蔡雜霰整還斜葩借雲為葉戴光疑月
在沙迷汀難辨鷺徐著柳易分鴉詠絮應輸韞蔡吟車
欲過又寒將椒酒敵戴瑩比塞酥嘉刻畫天呈巧徐鋪

張地掩瑕早朝光映笏蔡暝獵勢漫置後臘寧非瑞戴

先春益自誇拂林微見蕊徐綴草淺窺芽煖促庭貌化

蔡陽催瓦雀呀土融偏潤麥戴水活最便茶不雨檐常

滴徐當陰砌或遮詩成燈屢剪蔡坐久鼓頻撾路滑妨

迴騎城嚴畏奏笳歲寒同在旅徐春至倍思家此日堪

乘興蔡歸舟向若邪戴

顧瑛

與繆叔正聯句

短檠二尺照清酣瑛圓餅裁肪韭味甘侃舊雨今為紅

葉雨瑛閒雲不障白雲菴侃范君遠餽吳犍肉瑛錢老

能分林屋柑侃今夕共謀真率醉瑛莫將時事說江南

侃

湖光山色樓聯句

樓倚清秋爽氣高高起眼明百里見纖毫風行綠野翻清

浪于雨到青林起暮濤幾樹好花開別岸顧瑛一雙飛鳥

趁輕舸龍門今日婁江去高起會有新詩寄我曹于

高起 浣華館聯句

大廈千萬餘小第亦云甲馬山分玉崑維鯢津類清霄

湖吞魄礪深立江瀉吳淞狹地形九曲轉師峰影千丈

插斜川萬桃蒸華小徑五柳夾仙仗撞石檢仁靈洞開

玉匣雲停清蔭初瑛涼過小雨霎鶴舞竹籬維魚亂

萍喋嘒風顛帽屢欹立暑薄衣猶袷花憑羸女獻師酒

倩吳姬壓簾卷蒼龍鬚華盤薦紫駝胛戎葵粲巧笑仁

文瓜印微掐白鬣魚乍剖瑛紅蓮米新甬急觴行蒲萄

維清池扇蒲箑火珠梅熅熿立冰絲蓴浹滌雲雷摩乳

彛師琤琤玩腰珷伶班鼓解穢華軍令酒行法弓彎舞

百盤仁鯨量杯千呷腔悲牙板擊瑛調促冰絃摩客歡

語噂嘍維童酣鼻齶酒徹給泓穎立詩成繕書劄嘔

句投錦囊賢披圖出細笈驪駒歌已終華青蛾情尚狎

永矢交友盟仁銅盤不須畝瑛

書畫舫聯句三月三日與楊鐵崖飲於書畫舫侍

龍門上客下驄馬瑛洛浦佳人上水簾瑪瑙瓶中椰蜜

酒維赤瑛盤內水晶鹽晴雲帶雨沾香爇瑛涼吹飛花

脫帽簷寶帶圍腰星萬點維黃柑傳指玉雙尖平分好

句才無劣瑛百罰深杯令不厭書出撥燈侵繭帖維詩

成奪錦鬪香奩臂鞢條脫初擎研瑛袍袖弓彎屢拂髯

期似梭星秋易隔維愁如錦水夜重添勸君更覆金蓮

掌瑛莫放春情似漆黏維

舟中與陳敬初聯句

行春橋下看山回瑛翠幕紅簾面面開基一夜水風吹

不斷立蜻蜓飛入畫船來瑛

貢性之

題紅梅翠鳥圖與唐愚士聯句

萼綠枝頭翠羽鮮貢春風早入豔陽天幾回夢覺頻聽

顧瑛 貢性之 李道坦

御選元詩 卷八

處唐正是書聲欲斷邊貢

李道坦

吳山清暉與伯雨仲舉聯句

吳山秋色裏坦倚石望滄江日脚霞侵戶濤頭雪濺窗

浪奔沙岸壘翦山夾海門雙坦有客離新隱雨於茲感

舊邦坦憑高乘險絕懷古黜紛厖翦龜殼冠將隋雨龍

文鼎可扛雨頗諧幽事熟坦未覺壯心降翦滿月孤金

柱雨藜筠亂碧幢坦晴峰俄點點夕磬已縱縱翦歸路

風塵表酣歌不用腔雨

張雨

燈花聯句并序

永嘉李季和自金陵持趙涼公書來累宿茵閣下

十月三日夜天始霜殊寒兩燈並作花遂聯句於

酒間

星閣迎寒悶霜鐘動夜縱光孝酒深燭木火漏下續蘭釭

寸草熒芝小雨丹葩瑞帶雙金枝交婉孌光孝銀粟亂鬢

鬟蠟結飛蛾笑雨膏融吐鳳雙汞珠光透鏡光孝火齊幻

垂幢的的輝青瑣雨摇摇颭玉缸燭龍擎紫蓋光孝翹燕

綴紅雙鄰眼書窺隙雨仙眉墨暈窗狂吟心蕊發光孝喜

聽足音登折聖風吹座雨鈎簾月隋江青藜如見遇揮

手出紛厖光孝

劉因

人生豈不勞終古謂之然孰是都不營早起暮歸眠過
足非所欽躬耕非所歎但使願無違甘以辭華軒正爾
不可得在已何怨天自古有黔婁被服常不完榮叟老
帶索飢寒況當年何以稱我情賴古多此賢

集杜句贈王運同彥材

霄漢瞻佳士公侯出異人家聲同令聞文雅見天倫元
朔巡天步危樓望北辰燕王買駿骨黃閣畫麒麟妙譽
期元宰蒼生倚大臣蛟龍得雲雨鷗鷺離風塵治國明
公在雄圖歷數屯世儒多汨沒賢俊贊經綸開闢乾坤
正調和鼎鼐新弼諧方一展風俗盡還淳經濟宜公等

泥涂任此身尊榮瞻地絕感激異天真交態遭輕薄浮
生有屈伸嗟予意輒軻撫迹獨酸辛留滯才難盡蒼茫
興有神形容真潦倒世業豈沈淪倚著如秦贅逢迎念
席珍壯心久零落敗績自逡巡載感賈生慟難甘原憲
貧邵平元入漢王粲不歸秦回首軀流落生涯脫要津
稻粱求未足台衮更誰親碧海真難涉蒼鷹愁易馴君
能微感激何處不依仁

陳孚

入安南以官事未了絕不作詩清明日感事因
奉勅集句成十絕奉呈貢父尚書并示世子及諸大
夫

御選元詩 卷八
十里宜春下苑花二年寒食住京華自憐慣識金蓮燭
奉使虛隨八月槎
迴首扶桑銅柱標芙蓉帳暖度春宵清明寒食誰家哭
折戟沈沙鐵未消

關山迢遞古交州物換星移幾度秋微雨微風寒食節
夷歌銅鼓不勝愁
殘花悵望近人開不盡長江滾滾來寒食清明都過了
鷓鴣飛上越王臺
台州地闊海冥冥人踏金鰲背上行獨在異鄉為異客
無花無酒過清明
慈母年高鶴髮垂鄉書無鴈到家遲初過寒食一百六

一日思親十二時

昔藉梨花作寒食孟光舉案與眉齊越裳翡翠無消息
夜合花開日又西
寒食家家出古城滿川風雨看潮生八千里外飄零客
起向朱櫻樹下行
一百五日寒食雨風光別我苦吟身尚書氣與秋天杳
同是天涯淪落人
海客乘槎上紫氛清明時節雨紛紛虎牙銅柱皆傾側
水盡天南不見雲

于石

次韻子益秋懷集句

春草秋更綠能得幾時好人生非金石坐愁紅顏老振
衣千仞岡木落鴈飛早無營地轉幽逐動自紛擾時哉
不我與全身以為寶不是傲當時用拙存吾道

春遊集句

興來無遠近吾得及春遊江月隨人影山光落釣舟樹
交花兩色石橫水分流天外猿啼處數峰生暮愁

黃潛

集淵明句題李中甫員外稼亭

東方有一士客養千金軀束帶聽鳴雞出則陪文輿代
耕本非望暫與田園疎田園日夢想投冠旋舊墟興言
在茲春新疇復應畬田父有好懷過門更相呼披草共

來往履歷周故居悠悠待秋稼時還讀我書雖未量歲
功棲遲固多娛此事真復樂此語真不虛餞送傾皇朝
歸子念前途前途當幾許直至東海隅古時功名士事
事在中都遥遥沮溺心君情定何如

集淵明句題胡主簿嘉樹軒

孟夏草木長霜露憔悴之藹藹堂前林冬夏常如茲嚴
霜九月中卓然見高枝如何舍此去白日掩荆扉深谷
久應蕪此蔭獨不衰黽勉六七年懷此貞秀姿常恐負
此懷未足為高棲及時當勉勵慷慨思南歸親戚共一
處日夕歡相持披榛步荒墟登高賦新詩坐止高蔭下
一觴聊可揮從今至歲寒縱心復何疑

吳師道

集句贈荅潘季通

江上春風送客舟
鳥啼花落水空流
勸君更盡一杯酒
與爾同消萬古愁

陳泰

天嶽圖歌

并序

雲間康鍊師來自岳陽稱其友蔡素蟾好道之篤
乃作天嶽圖以寄徵余題卷末岳陽予舊遊也爰
集杜陵句以贈之

知君重毫素好手不可遇
壯哉崑崙方壺圖對此興與
精靈聚雲來氣接巫峽長
影動倒景搖瀟湘湘妃漢女

出歌舞矯如羣帝參龍翔
大江東流去忽在天一方
初月出不高照我征衣裳
憶昔北尋小有洞青楓葉赤天
雨霜先生有道出羲皇
晚有弟子傳芬芳神仙中人不可
易得今我不樂思岳陽
蔡侯靜者意有餘戚聯豪貴耽
文儒致身福地何蕭爽
幾歲寄我空中書

韓性

集杜句題五馬圖

使君五馬一馬驄
聲價焮然來向東
飛電流雲絕瀟灑
迴立闔闔生長風
肉髮磊塊連錢動
大宛立仗青絲鞚
不須對此成歎嗟
古來才大難為用

郭豫亨

梅花集句

水沈為骨玉為肌好處曾臨阿母池雪後園林應有恨
籬邊屋角立多時早開却被媽紅妬未落先愁玉笛吹
要識此花奇絕處滿窗惟有月明知
刻玉雕瓊作小葩溼雲黯淡雪橫斜半開半落緣誰事
和影和香屬我家數抹晚霞憐短笛一泓流水度寒沙
吟邊苦思無佳句立盡斜陽數過鴉

黯淡江天雪欲飛屋檐斜入一枝低禽翻竹葉霜初下
春在花梢日未西晚歲風霜從冷淡小園煙景正淒迷
平生慣是思梅苦多謝詩翁為品題
天寒落日澹孤村占斷風情向小園翠羽啼花追昔夢

縞衣和雨立黃昏蘚厓直上雙飛屐茅店驚寒半掩門
憶得去年風雪裏江南石上對窪尊

踏破溪邊一徑苔與尋陳迹久徘徊雲漫隴樹魂應斷
風靜寒塘花正開只恐好枝為雪壓留看瘦影上窗來
花前獨立無人會謾使詩腸日九迴

雪後相看意更深謾將一朵插銅瓶人生此樂須天賦
歲晚知心唯月明白鶴未歸春已老危闌倚徧酒初醒
逋仙只說香和影不是詩家莫浪評
勾引春情出苑牆無人知處忽然香愁連粉豔飄歌席
亦要天花作道場風約暗香臨淺水月明疎影媚寒塘
浣花溪上堪惆悵可是無心賦海棠

貌枯神澤骨槎牙蕭索東風兩鬢華甘與雪霜同冷淡
醉看參月半橫斜溪山冷落泥三尺水竹參差屋數家
自笑自吟還自得案頭搖落小瓶花
榾柮爐寒硯欲冰舍南舍北雪猶存旋催妝額添宮樣
靜愛寒香撲酒尊兩岸巖風吹玉樹一灣流水護柴門
閑中有意堪圖畫溪上無人月一痕
半屋蒼雲冷不知茅檐竹隴兩幽奇凝情金谷登樓日
依約華清出浴時隴月定知今夕恨春風搖動故人思
綠楊解語應相笑雪裏開花恐是遲
滿地飄零更斷腸恐隨春夢去飛揚柳搖臺榭東風軟
花撲玉缸春酒香驛使不來羌管歇燕釵初試漢宮妝

巡檐說盡心期事幾度憑闌到夕陽

湖山搖落歲方悲自恐冰容不入時但笑紅芳誇豔冶
渾將絳雪點寒枝橋邊野水通漁路城外春風吹酒旗
正似美人初醉著澹妝濃抹總相宜

金岷

植芳堂詩集陶一首

謂人最靈智衛生每苦拙所懼非飢寒將養不得節達
人解其會在世無所須義農去我久空歎將焉如念之
動中懷積善云有報藥石有時間詩書敦夙好藹藹堂
前林灼灼葉中花枝條始欲茂春風扇微和弱湍馳文
魴靈鳳撫雲舞坐止高蔭下神淵瀉時雨爾從山中來

相見無雜言赤泉給我飲乃欲飲得仙老夫有所愛養
色含津氣遥遥望白雲蒼蒼谷中樹

馬臻

集句和陳渭叟見寄詩韻

寒食離家麥熟還不應空老道塗間會須伐竹開荒徑
剩著溪南幾尺山

金集句遣懷

嬾慢無堪不出村當年心事與誰論如今老去愁無限
雨打梨花深閉門

張雨

集太白語酬僧淨月

主人碧巖裏為余話幽栖真訣自從茅氏得風流還與
達公齊滿堂空翠如何埽而君解來一何好白玉麈尾
談重元琉璃硯水常枯槁蒼蒼雲松拂彼白石世人聞
此皆掉頭就中與君心莫逆袖拂紫煙去空中聞天雞
借問蘇耽鶴早晚向江西

集王摩詰書語六言二首

寒犬吠聲如豹夜春相應疎鐘華子岡頭清月照人獨
坐山中
夜深僮僕靜默月明輞水淪漣獨與山僧飯訖寒林遠
火初然

賈雲華

兩行清淚語前流千里佳期一夕休倚柱尋思倍懊恨
寂寥燈下不勝愁
相見難時別亦難寒潮惟待夕陽還鈿蟬金鴈皆零落
離別煙波傷玉顏
倚闌無語倍傷情鄉思撩人撥不平寂寞閑庭春又晚
杏花零落過清明
自從消瘦減容光雲雨巫山枉斷腸獨宿孤房淚如雨
秋宵只為一人長
紗窗日落漸黃昏春夢無心只似雲萬里關山音信斷
將身何處更逢君

真成薄命久尋思宛轉蛾眉能幾時漢水楚雲千萬里
留君不住益淒其

鄭氏允端

杜少陵春遊曲集句

何處尋芳策蹇驢典衣買酒出城西元都觀裏桃千樹
黃四娘家花滿溪

春詞集句

春色沈沈鎖建章困人天氣日初長閑來獨立雕簷下
笑殺雙飛燕子忙

秋詞集句

月轉觚稜夜未央倚牀自炷水沈香芙蓉帳小雲屏暗

二十五聲秋點長

何理問

題宜春臺集古

山外青山樓外樓楚雲迢遞暮天秋千年綵鳳鳴高阜
一道長虹鎖碧流舉目但知天地闊憑闌不管古今愁
二仙縹緲成塵迹我亦飄然思遠遊

無名氏

集古

翡翠屏風燭影深春宵一刻直千金共君今夜不須睡
明日池塘是綠陰

御選元詩卷第八十

二十五

何聖訓

題宜春臺集古

山外青山樓外樓
楚雲迢迢暮天秋
千年綠風鳴萬阜
一道長虹鎖碧流
落日但知天地闊
憑閣不管古今愁

二仙縹緲成塵迹
我亦飄然思遠遊

無名氏
集古

翡翠屏風燭影深
春宵一刻直千金
共君今夜不須睡
明日池塘是綠陰

御選元詩卷第八十

